



Bon veni a la jornal Orizones Nova

Bon veni a Orizones Nova, la prima jornal sciveda tota en Lingua Franca Nova.

Per aceles ce no sabe ce es Lingua Franca Nova, un introdui corta:


Lingua Franca Nova es desiniada per es un lingua vera simple, coerente, e fasil aprendeda, per comunica internasional. El ave varios cualia bon:

- El ave un numero limitada de fonemes. El sona simila a italian o espaniol.
- El es sciveda como el sona. No enfante deve pasa multe anios studia nonregulas!
- El ave un gramatica vera simple e regula. El es min complicada en esta caso como engles o indonesian.
- El ave un grupo limitada e tota regula de afises produinte per crea parolas nova.
- El ave regulas de la ordina de parolas bon definada, como multe linguas major.
- El ave un lista de parolas fundada en la linguas roman moderne. Esta linguas es comun e influente, e ia contribui la parte major de parolas engles.
- El es desiniada per es asistente natural de parolas tecnical de latina e elenica, la "norma de mundo" per fato.
- El es desiniada per aperi plu parte "natural" per los ci comprende la linguas roman, ma no min fasil per otras.

Per plu informas, per favore vade a <http://lingua-franca-nova.net>, la pajee xef de la lingua.

Orizones Nova

Per ce la nom Orizones Nova per la jornal? Per aceles ce no ave interesa en spasio, la nom New Horizons es posible un nom stranjer. El es la nom de un sonda spasio, lansada janero 19 2006, e aora vadente a la planeta Pluto (de 2006, un planeta nana), arivante en 2015. 2015 es un data distante en la futur, e nos debe espeta multe anios ante ce New Horizons ariva a Pluto, ma aora, vadente a se ojeto distante, el es la navo plu rapida en la Sistem Solal. Contra ce el ia es lansada plu tarde ce tota otra navos en la Sistem Solal, el es la plu rapida. Como New Horizons, me espera ce la lingua Lingua Franca Nova va susede contra ce el ia es lansada plu tarde ce la otras. Me espera ce el va es la sonde la plu rapida. E ance, Orizones *Nova* ave la parola *nova*, como en Lingua Franca *Nova*.



Crea un jornal en esta lingua es vera ance un orizon nova, per ce ante 2006 un jornal en esta lingua no ia esiste. En esta prima edita de la jornal, la sujetos es elejeda un poca per me preferis individual (spesial me gustia per la spasio), ma me espera ance ce otra contribuores va apare e scrive supra la sujetos ce los gusta. Per ce la comunia de LFN aora es poca, crea un jornal tro grande no es un bon idea, e donce la jornal va es 8 pajes, cada mensa. Un comunia lingual ce no pote crea 8 pajes en un mensa no es un comunia ce merita la interesa de la mundo esterna, ma la comunia de LFN es basta grande ce el no va ave problemes crear un jornal de esta grandia. Si la contribuis de la usores continua crescer, plu ce 8 pajes va es posible, la plu bon ce un jornal plu grande es un jornal plu frecuente - me preferi plu un jornal de 8 pajes cada semana ce un jornal de 35 pajes cada mensa, e me espera ce otras ance pensa esta modo.

Oce, aora la comensa de la jornal! Bon leje!

Dave MacLeod
26 novembre, 2006



Pluto e se tre lunetas - Caron, Nix, e Idra.

Pluto e Caron, comparente a nos Luna				
Nom	Diametre (km)	Masa (kg)	Raio orbital (km)	Periodo orbital (dias)
Pluto	2306 (65% Luna)	1.3×10^{22} (18% Luna)	2390 (0.6% Luna)	6.3872 (25% Luna)
Charon	1205 (35% Luna)	1.5×10^{21} (2% Luna)	19,570 (5% Luna)	

Coloni de Venere

Aora, quando persones pensa supra misiones en spasio, los pensa supra la Luna, la corpo spasial plu prosima a la Tera, e supra Marte, la planeta du plu prosima a la Tera. La planeta Venere es tre calda, la presa es alta (90 veses plu alta ce la suprafas de la Tera), e la nubes es fada de asida - simple, la imaje de inferno. Ma vera, esiste persones ce dise ce nos debe pensa un ves plu supra la idea de vade a Venere - ma no la suprafada, ma en la nubes 50 cilometros supra la

suprafas.


Como es la ambiente 50 cilometros supra la suprafas?

Seguente la parolas de la sientiste e autor Geoffrey A. Landis, la ambiente de Venere en esa loca es la plu como la Tera en la Sistem Solal. La presa es esata la mesma como en la Tera, e la temperatur ance. Plu, la atmosfera de la planeta es 93% fada de carbon dioxide, e donce la aira ce nos usa per vivi en la Tera, plu lejera ce la aira en Venere, flota como helium flota en la Tera.

Vantajas de Venere supra Marte

Venere es multe plu prosima ce Marte a la Tera.

En se orbita sirca la Sol, Venere e la Tera es prosima la un la otra cada 583.92 dias, ma per Marte nos debe espeta 779.96 dias. Donce, la tempos per 'fenetras de lansas' es plu frecuente a Venere. En la imaje su de Wikipedia un pote vide direta la diferas entre la distantia de Venere e Marte de la Tera.



La presa 50 cilometros supra la suprafas es la mesma como en la Tera. En Marte, la presa basa pote es plu perilos per umanes, un astronava dur donce es nesesa contra la presa. Plu, cuando un acaso ocure, en Marte la sangue boli rapida. Ma en Venere, contra ce personas no pote respira la aira, no problemas con la presa ocure, e un fora pote es reparada.


Supra la nubas es tre multa enerjia solal. Per ce la albedo de la planeta es tre alta, nos pote usa enerjia solal 50 cilometros supra la suprafas cuasi la mesma modo de su ce de supra.


Gravita es 90% de la gravita de la Tera. En Marte la gravita es 37.6% de la Tera.

La atmosfera conteni la elementos nos besonia per vivi - carbon, idrojen, osijen, nitrojen, e sulfur.

El proposa ce umanes ce vade a Venere usa transportas airastatica - transportas ce resta en la aira gracias a la fato ce la aira ce nos usa es plu leje ce la aira en la atmosfer.

[Per plu informas \(en engles\), leje la fix PDF asi](#)





La Batalia de la Linguas

En la anios de la 1990s, la supremia de la lingua engles ia es clar, e cuando la Internet ia es mostrada a la mundo en 1994, la plu de la contenida ance ia es engles.

Compare la numeros de april 2005 e aora, novembre 2006:

Nom de lingua	april 2005	novembre 2006
engles	35.3%	29.7% (-5.6%)
xines	13.0%	13.3% (+0.3%)
japanes	8.2%	7.9% (-0.3%)
espaniol	6.9%	7.5% (+0.6%)
deutx	6.7%	5.4% (-1.3%)
franses	4.5%	4.6% (+0.1%)
corean	3.8%	3.1% (-0.7%)
italian	3.5%	2.7% (-0.8%)
portuges	2.8%	3.1% (+0.3%)
nederlandes	1.7%	no mostrada
rusian	no mostrada	2.2%
otras	13.7%	20.5% (+6.8%)

Ma, un person no debe oblida ce esta es la numeros de la parlores de un lingua, e no la cuantia de contenida de linguas. Es multe plu probable ce la parlor de un lingua poca ave tempos en ce el debe usa un lingua plu grande, ma no es tre probable ce la parlor de un lingua grande ave tempos en ce el debe usa un lingua plu poca. Donce, la contineda vera de engles en la internet debe es plu grande ce 29.7%, posable multe plu grande.

Totavia, no person pote nega ce la linguas xines e espaniol crese notable. Alga statisticas e notas supra la du linguas:

Xines (中文)

1. La American Council on the Teaching of Foreign Languages (Consilia American supra la Instrui de Linguas Stranjer) judi ce la numero de studiantes de xines en la Statos Unida ia crese de 5,000 ses anios ante, a 50,000 aora. [Fonte](#)

2. En Frans, xines es aora la lingua stranjer la sinco plu studiada, suprapasante la linguas arab,

ivrit, rusce, e portuges. Aora la linguas la plu poplal es engles, espaniol, deutx, italian, e xines. La numero de studentes de xines ia crese de 4,000 en 2001 a plu ce 10,000 aora. [Fonte](#)

Espaniol (Español)

1. Difundis radio en espaniol es la plu poplal en la site de Las Vegas, con la plu populia en la anios entre 12 e 54. [Fonte](#)

2. Personas de un orijin etnical espaniol en la Statos Unida ia es 13.4% de la cuantia de popla en 2002. De los, 19% parla sola espaniol, 9% parla sola engles, 55% parla alga cuanto de engles, e 17% parla amba engles e espaniol sin problemes. Fonte: Simmons Market Research

Parlores de espaniol en la Statos Unida:

1. New Mexico (823,352) 43.27%
2. California (12,442,626) 34.72%
3. Texas (7,781,211) 34.63%
4. Arizona (1,608,698) 28.03%
5. Nevada (531,929) 22.80%
6. Colorado (878,803) 19.10%
7. Florida (3,304,832) 19.01%
8. New York (3,076,697) 15.96%
9. New Jersey (1,294,422) 14.90%
10. Illinois (1,774,551) 13.94%
11. Connecticut (371,818) 10.63%
12. Utah (253,073) 10.45%
13. Rhode Island (111,823) 10.35%
14. Oregon (343,278) 9.56%
15. Idaho (123,900) 8.88%
16. District of Columbia (47,258) 8.53%
17. Washington (526,667) 8.48%
18. Kansas (220,288) 8.06%

Nonfasilas de Fa un Nom Moderna per Africa Sude en Xine



Como repone la imaje su de Africa Sude con la imaje supra?

En 28 Novembre 2006, Michael Jones, un om ce labora en Xine en un compania ce ata como un ponte entre la du paisas, ia scrive supra esta demanda. Contra ce la fato ce la economia de Africa Sude es plu moderna ce otra paisas en Africa (esetante Maurixius) e crese rapide, la impresa jeneral de un pais con la parola 'Africa' en la nom es un impresa de natur, forestas, jirafas, etc.

El ia scrive:

Quasi cada ves cuando me preni un taxi en la cinco anios resente en Beijing, me ia ave un senti ambigua a la gidor. De la dia en ce me ia comensa



comprende la xines, la ambigua ia comensa. Pos responde la demanda norma supra la nasionalia de me, me a tota tempo espeta la demanda seguente nonevadable, "Ma tu no pare de Africa Sude, tu no pare negra."

En la foro resente abrida en Xine supra la colabora Xine-Africa (FOCAC) culmine en Beijing, la stradas ia es decorada con cartones mostrandente Africa como un loca sola de tera savaje, con jirafas e zebras en numeros grande, ma no sola sinia de sites vivos o economias cresente.

La medio local no es plu saja. Cuando me ia parola con jornalistes en la foro, cuasi cada person ia save no cosa supra companias de Africa Sude ce opera susedente in Xine. Los ia ave no idea ce la bir numero du en Xine, Snowflake, es poseseda en parte par SABMiller; Los ia es xocada oir ce un de jornales la plu comun en Beijing, Beijing Youth Daily, es poseseda en parte par la medio primi de MIH; e a no tempo los ia crede ce la programa de mensajes pronto la plu poplal en Xine, Tencent QQ, es poseseda en parte par la medio Internet de MIH.

Clar, la mesajores de la medio en Xine ta es un bon comensa per anuncia Africa Sude Inc.

[Article completa \(en ingles\)](#)

Novas e Pensas Acaso

Novas e Pensas Acaso es un loca per scrive tu pensas o novas ce no es basta grande per se propre article. Pensas supra la mundo, linguas, la state de LFN e linguas construida, spasio, etc. En esta prima varia de la jornal, sola me scrive la pensas acaso, ma pos la ora cuando otras va scrive, nos va junta nos nomes pos la pensa scriveda en letras poca.

- Moldova - Moldova es un pais en ce sitizanes parla un lingua roman, ma los es la plu povre en Europa. Per Moldovanes ce debe labora cada dia per fa se pan dial, dona moneta per aprende e scrive en LFN es un bon idea, no? Un person en Moldova pote labora e fa la mesma moneta ce otras en la pais, e nos pote emplea persones ce sabe linguas roman tre bon e no rompe nos contas de banco.
- Mision a un asteroide - El pare ce NASA aora considera un mision a un asteroide prosima a la Tera. Vade a la Luna dura tre dias, ma a Marte un mision nesesa 180 dias, un mision multe deses de veses plu nonfasil. Ma per ce esiste multe asteroides prosima a la Tera, vade a un de aceles ta es (1) un mision a un tera nova, (2) plu fasil ce vade a Marte e (3) un mision en ce astronautos no debe se preocupa con gravita, e donce un mision en ce los ta pote trae rocas, sta un telescopio, esperia per la prima ves la mundo de la Prinse Poca...
- En 27 novembre ia ocure un eleje local en la site de London en Canada. Esta loca es un fortres per la Parte Librial per 18 anios, e 27 novembre ance la aspirante Librial ance ia gania. Nonoposante, un cosa interesante en esta gania es ce la aspirante du en la eleje ia es la xef de la Parte Verde, Elizabeth May con 25.9% de la votas. Asta aora la resulta plu

bon per la Parte Verde ia es 16.7%, Elizabeth May ance no abita en London, Ontario. Con esta resulta, es tre probable ce en la eleje seguente ce Canada ance va eleje representores de la Parte Verde. La Parte Verde pare tre felis con la resultas.

Article de la Vici Esta Mensa

La uici en LFN aora ave plu ce 600 articles, e progresa bon per se aplica per se propre Vicipedia. El ave multe articles, e nos oblida fasil la multe articles bon ce esiste entre la 600. Cada mensa nos inclui un article bon en Orizones Nova. Nos espera ce la nom de esta sesion cambia pronto a "Article de Vicipedia Esta Mensa".

Franses e Creole

Orijin: U.S. Library of Congress

tradui par Stefan Fisahn.

Du linguas ia es parlada en Aiti: Creol e frances. La relate sosial entre esta ambos linguas ia es complicada. Nove da cada des aitan persones ia parla sola creole, ce es la lingua ia usada cada dia per cuanto de popla entier. Sirca un da des ance ia parla frances. E sola un da dudes ia pote parola bon ambos, frances e creol. Donce Aiti no ia es un pais francisme no un pais lingua duple. Plu bon, du popla lingual separada ia esista: la marojia ci usa un lingua e la clase plu alta ci usa du linguas.

Ayiti

Ayiti se yon peyi ki sitye nan pati lwès zile [Ispanyola](#) nan [lamè Karayib](#), lèt pati [Ispayola](#) okipe pa [Republik dominikàn](#). Kapital Ayiti se [Pòtoprens](#). Ansyen non Ayiti se [Sen Domeng](#) Ansyen koloni [Franse](#), se te youn nan premye peyi yo nan [Amerik](#) yo, apre [Etazini](#), pou deklare endependans. Se peyi pi pòv la nan emisfè lwès.

Istwa

[Arawak](#) yo se te premye abitan natirèl zile Ayiti avan kolon [panyòl](#) yo te vin debake pou pran posesyon zile a yo ta pral batize [Ispayola](#). Fen [XVe](#) syèk, yo te nombre anviwòn twa san mil moun.

Lè [panyòl](#) te rive [Sen Domeng](#), yo te fè [Arawak](#) yo travay pou yo sou plantasyon yo. Plan pi enpòtan sou plantasyon sa yo se te [kann](#). Byen vit, [panyòl](#) te ranplase [Arawak](#) yo avek [esklav](#) yo ki te sòti [Afrik](#).

Nan ane [1697](#), [trete Ryswik](#) la te divise [Sen Domeng](#) ant [Frans](#) ak [Espay](#). [1e janvyè](#) [1804](#) ayisyen yo te finalman twouve endependans yo lè yo te fen bat twoup [franse](#) yo. [Tousen Louvèti](#) te anprizonye an [Frans](#), [Janjak Desalin](#) te nome gouvenè pou lavi. Li te fe touye anpil blan yo ki te reste sou il la.

Toda clases ia valua parlables. Parlar publico ia es importante per vive politica; A multe veses la modo de parolante ia es plu importante como la contente. La capasias per responde intelijente ia vijila la modo de parlables de ambos, la laborores usada un lingua e la abitantes site mundan ci usa du linguas. Grupos poca ia encontra a multe veses en Port-au-Prince per escuta narantes. Opinias a frances e creole ia aida define la cultur problem de Aiti.

Normal linguas ia fa complicada cambiante entra membros de la clase plu alta e la cuanto de la popla. Aitanes da toda clases ia es orgula per creol como tra espresa e como la lingua nasional. A cada caso, multe aitanes, ci usa un lingua e ci usa du linguas, reclama ce "el ave no regulas." Donce la majoria da cuanto de popla ia no valua los lingua de nase e ia crea un misterio sirca

frances. A mesma tempo, cuasi cada aitan ci usa du linguas ia ave nonserta sentis sirca frances e ia fa se noncomfortante. En creole la frase "parla frances" sinia "eser un mentinte"

Parla bon frances serveda como mesma plu importante tema per es membro en la clase plu alta de Aiti como la color de pel. La usante de frances es la viver publico ia esclui la majoria da politica, governa, e viver intelijental. Familias usante du linguas ia usa frances xef per veses formal. Per ce creol ia es la lingua per veses nonformal, el ia omplida con slang e ia es usada per reconta bromas. Frances aitan ia manca esta cualias nonformal. Personas ci ia parla sola creol ia evita situas, do los nonebla per parla frances ta es desvantaje o un embarasa. Atentante per es asetada en sircula formal o governa, alga creol parlante sola ia usa frases ce sona frances en los creol parla, ma esta imitantes ia es ultima usada poca o no. Personas du lingua de la clase media en Port-au-Prince ia sufri la plu grande desvantaje per ce los ia encontra frecuente situas en ce la usar dla frances vole conveniente, ma los nonperfeta parla los ia tende indica los clasa su orijines.. La tema lingua ia presa la plu la clase media. La usa de frances como clasas maciante ia fa aitanos de clasa media plu rijida a los usar de frances a veses formal como aitanos de la clasa plu alta.

La orijines de creol ance es discutada. Alga siensores creda ce el ia asende da un pijin ce ia developante entra xefes frances e slavos african en la pais dependent. Otra personas creda ce creol ia veni a la pais dependent de San Dominic como un lingua preparada, asendade da un dialect da negosia de mar frances. Cada cosa es la orijines, creol es en la siensa de linguas un lingua separada e no sola francesin mal. Contra ce la majoria de paroles creol ave orijines frances, la gramatica de creol es no simile a la gramatica de frances, e la ambos linguas no comprendable mutua.

Ala es diferentes depende a clasa e area en creol. Diferentes area inclui parolas e sona, ma la structur gramatica es fisada en la pais entier. Parlantes de du linguas tende usa fonemes frances con los parla creol. La tender usa sonaa frances ia es comun a la Port-au-Prince modo de creol. Durante la 1980 anos, la Port-au-Prince modo ia persepi como modo norma de la lingua.

La usar de frances e creol durante la tempo dependent e la tempo independente ia preparada modeles de parla per la sentenio seguente. Durante la tempo dependent, ia es prinsipal personas blanca e miscada instruida ci ia es liberada, ci ia parla frances. Cuando la slavos ia deveni libria e la sistem plantia ia rompe, la plu grande ostaculo entre clases diferente e personas colorada diferente ia cada. Lingua frances ia deveni la borda personas ci ia es libre ante la revolta (la liberada ante) e personas ci ia liberada per la revolta, e el ia securi la state superio de la liberada ante. Frances deveni no sola de la governa e negosia, ma ance de cultur e intelijente. Mesma la aitanos plu nasionalimse ia valua poca creol.

Ma ideas versa creole ia comense cambia durante la sentenio dudes, sarta durante la ocupa de Statos Unida. La ocupa fortia intelijentes de Aiti per contra los eritar noneuropa. Cresante consenser negra e plu nasionalimse ia cause ce multe aitanos ia conside creol como lingua vera de la pais. La prima atenta a testo creol ia aperi a 1925, e la prima jornal ia es publicada a 1943.

Comense de la anos de 1950, un move per done creol state oficial ia crese lenta. La constitui de 1957 ia refisada frances como lingua oficial, ma el ia permite la usa de creol a sarta funsion publico. A 1969 un lege done creol state legal limitade; la lingua pote usada a legia, la cortes, e organizas, ma no a oranizas instrual oficial. Ma a 1979 un legeta ia permite creol como lingua de intrui a scolos. La constitui de 1983 ia declara ce ambos, creol e frances es linguas nasional, ma ia spesifada ce frances es la lingua oficial. La suada constitui de 1987 (ce es restate parte 1989) ia done state oficial a creol.

Pajes de Rede Recomendada

Pajes de Rede Recomendada es tre simple. Scrive supra pajes en la rede ce tu gusta, o ce tu pensa pote fa la vive plu bon. No pajes comercial (anunsias poca como Google Adsense es oce; sole no pajes ce esiste per atentas comercial).

- <http://www.wikisky.org> - Tu pote vide alga stela con esta paje. Simple entra la nom de la stela e tu pote vide la stela, stelas prosima, informas supra la stela, etc. Multe plu bon cuando tu vide novas supra spasio con nomes de stelas ce tu no sabe.

Sitas de la mensa

"La mundo es como un diverti en un parca de diverti. Cuando tu eleje pasaje, tu pensa ce el es vera per ce esa es la pote de nos mentes. E la diverti vade supra e su e sirca e sirca. El ave eccitas e frias e el es colorada brillante e el es tre forte de sona e el es joia, per un poca tempo. Aceles es ja en la diverti per un tempo longa, e los comensa demande: Es esta real, o simple un diverti? E otra persones memora ja, e los retorna a nos, e los dise a nos, 'Alo, no preocupa, no es temente, per ce esta es simple un diverti...' E nos... nos mata esa persones. Ha ha, 'silenti el.' 'Nos ave investis grande en esta diverti. Regarda me sulcas de anxia. Regarde me conta grande de banco e me familia. Esta debe es real.' El es simple un diverti. Ma nos a tota tempo mata la omes bon ci atenta dise a nos, es ce tu ia nota esa cosa? E lasa la demones core a cada parte. Ma el no importa, per ce - el es simple un diverta. E nos pote cambia el cuando nos vole. Es sola un eleje. No fortia, no labora, no taxe, no fisas e no moneta. Un eleje, aora, entre teme e ama. La oios de teme vole ce tu prende securadores plu grande a tu portas, compra fusiles, se soli. La oios de ama vide tota nos como un. Esta es ce nos pote fa per cambia la mundo, aora, a un diverti plu bon. Prende tota la moneta ce nos spende a armas e defendes cada anio e, en esta loca, spende el a nuri e veste e instrui per la povres de la mundo, un empresa ce ta paia per se mesma multe veses plu, no un umane escluida, e nos pote esplora la spasio, junta, la spasio interna e esterna, a tota tempo, en pas. Multe gracias, vos es eselente." [Ia sono de fusiles es oida, Bill pare colpada e cade a la solo, sin move.] (Comentas final de stadio de la Revelations spesial de Bill Hicks en 1993)

Posta

No un! Si tu vole ce tu posta apare en esta jornal, scrive per favor a:

mithradates@gmail.com

Diretos de Copia

Orizontes Nova usa la lisensa Creative Commons.

Onora-NonComercial-Comparti Simile 2.5

Tu pote libre:

- * copia, distribui, mostra, e presenta la opera
- * fa operas deduida de esta opera

Su la articles seguente:



Onora. Tu debe done la onora a la autor orijinal.



Non-Comercial. Tu no pote usa esta labora per intendes comercial.



Comparti Simile. Si tu cambia, muta, o construi alga cosa usante esta labora, tu pote distribui esa labora sola usanta un lisensa la mesma ce esta lisensa.

Esta es un varia de la tota lisensa (engles), scriveda simple per ce persones comprende sin problem.

Nota: Articles de la LFN vici usa la GNU Free Documentation License 1.2.